

დანართი N1

დამტკიცებულია სსიპ „საზოგადოებრივი მაუწყებლის  
აჭარის ტელევიზიისა და რადიოს“ დირექტორის  
2020 წლის 16 ივლისის N 02-09/95 ბრძანებით



**სსიპ „საზოგადოებრივი მაუწყებლის აჭარის ტელევიზია და რადიო“**

**აცხადებს ღია კონკურსს პროგრამათაშორისი ვიდეო რგოლების**

**შესყიდვის მიზნით**

**შესაძენი პროდუქცია:**

შიდა ტურიზმის თემაზე პროგრამათაშორისი ვიდეო რგოლი („არტი“) - 12 (თორმეტი) ერთეული.

განცხადებების მიღების დაწყების თარიღი : 16 ივლისი 2020წ.

განცხადებების მიღების დასრულების თარიღი: 26 ივლისი 2020წ.

პროექტის განხორციელების (სავარაუდო) პერიოდი: 01/08/2020 – 01/12/2020

**დაფინანსების ოდენობა: 18000 (თვრამეტი ათასი) ლარი**, საქართველოს კანონმდებლობით გათვალისწინებული ყველა გადასახადის/გადასახდელის ჩათვლით. ანგარიშსწორება ხორციელდება ეტაპობრივად.

საბანკო გარანტიის წარმოდგენის შემთხვევაში დასაშვებია წინმსწრები (საავანსო) ანაზღაურება, რომელიც არ შეიძლება აღემატებოდეს ერთი თვის განმავლობაში 4500 (ოთხი ათას ხუთასი) ლარს.

**გამარჯვებული განმცხადებლის მიერ მოსაწოდებელი პროგრამათაშორისი ვიდეორგოლები უნდა აკმაყოფილებდეს შემდეგ კრიტერიუმებს:**

ა) მზა პროდუქცია შესაბამისობაში უნდა იყოს საზოგადოებრივი მაუწყებლის ქცევის კოდექსით დადგენილ/განსაზღვრულ სტანდარტებთან, არ უნდა ეწინააღმდეგებოდეს მაუწყებლის პრიორიტეტებს, (თავისუფალი პოლიტიკური და კომერციული ზეგავლენისგან).

გ) ვიდეორგოლების ციკლში უნდა აისახოს აჭარის ტურისტული პოტენციალი: ზღვა, მთა, ექსტრიმი, წყალქვეშა გადაღებები, კულტურა, კულტურული მემკვიდრეობა, ტრადიცია, ეთნოგრაფია, კულინარია და ქალაქის ტურისტული ადგილები;

ბ) ვიდეორგოლი უნდა გამოირჩეოდეს: დინამიურობით, შინაარსის მრავალფეროვნებით, მაღალი ხარისხის ვიზუალით;

გ) არანაკლებ 6 ვიდეორგოლში აუცილებელია რესპოდენტების ჩართულობა;

დ) საპერო და წყალქვეშა ვიდეომასალა გადაღებული უნდა იყოს დრონით და Gopro კამერით.

ე) ვიდეორგოლებს უნდა გასდევდეს ექსკლუზიურად ვიდეოსთვის შექმნილი მუსიკა;

ვ) ვიდეოს ხანგრძლივობა არანაკლებ 2წთ. და არაუმეტეს 3 წთ;

ზ) ვიდეოს ხარისხი full HD 1920-1080.

კონკურსში გამარჯვებული ვალდებული იქნება წარმოადგინოს კვირაში ერთი ვიდეორგოლი. მოწოდებულ პროდუქტზე განსაკუთრებული საავტორო უფლებები ეკუთვნის სსიპ „საზოგადოებრივი მაუწყებლის აჭარის ტელევიზიას და რადიოს“.

კონკურსში მონაწილე/გამარჯვებული იძლევა გარანტიას მასზედ, რომ ხელშეკრულების საფუძველზე წარმოდგენილი პროდუქციის გამოყენებისათვის მესამე პირ(ებ)ისგან წაყენებული პრეტენზიების/მოთხოვნების თაობაზე პასუხისმგებელი იქნება თავად და ასევე შემსყიდველს არ დაეკისრება საავტორო (და მომიჯნავე უფლებებთან დაკავშირებული) ჰონორართან დაკავშირებული რაიმე ფინანსური ვალდებულება - დაიკისრების შემთხვევაში კი კონკურსში გამარჯვებული აუნაზღაურებს შემსყიდველს მიყენებულ ზიანს და დაკისრებულ თანხას იდენტური ოდენობით.

**განმცხადებელი კონკურსში მონაწილეობის მიღების მიზნით, ვალდებულია წარმოადგინოს:**

ა) პროგრამათაშორისი ვიდეორგოლების პროექტი (მათ შორის ვიდეორგოლების აღწერილობა, სავარაუდო თემები)

ბ) რეჟისორის ბიოგრაფია და თანხმობა წინამდებარე საკონკურსო პროგრამათაშორისი ვიდეორგოლების შექმნაში მონაწილეობაზე.

გ) რეჟისორის ნამუშევარი.

დ) წინამდებარე კონკურსით გათვალისწინებული პროგრამათაშორისი ვიდეორგოლის საპილოტე ვერსია.

ე) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან.

ვ) დაფინანსების ოდენობის შესაბამისი ხარჯთაღრიცხვა (იხ.დანართი 2)

### **განაცხადის წარდგენის წესი:**

1. განაცხადი შედგენილი უნდა იქნეს სახელმწიფო ენაზე. თუ განაცხადი ან მასზე დართული დოკუმენტაცია შედგენილია არასახელმწიფო ენაზე, განმცხადებელი ვალდებულია კონკურსის გამოცხადების შესახებ განცხადებაში მითითებულ ვადაში, რომელიც არ უნდა სცილდებოდეს განაცხადის მიღების საერთო ვადას, წარადგინოს განაცხადის ან მასზე დართული დოკუმენტაციის სანოტარო წესით დამოწმებული თარგმანი.
2. განაცხადი კომისიას წარედგინება მაუწყებლის იურიდიულ მისამართზე, ან მაუწყებლის ელექტრონულ ფოსტაზე konkursi@ajaratv.ge გაგზავნის გზით.
3. ელექტრონული ფორმით განაცხადის მიღების თარიღად და დროდ ითვლება მისი გაგზავნის თარიღი და დრო, რომელიც მითითებულია ელექტრონულ ფოსტაზე. განაცხადი მიღებულად არ ითვლება, თუ განმცხადებელს არ დაუბრუნდა შეტყობინება, იმის შესახებ, რომ დოკუმენტები მიღებულ იქნა და შესაძლებელია მისი წაკითხვა.

### **კონკურსის ეტაპები:**

- ა) კონკურსის გამოცხადება;
  - ბ) განაცხადის წარდგენა;
  - გ) განაცხადის დასაშვებობის შემოწმება;
  - დ) კომისიის მიერ პროექტების შეფასება პროექტების შეფასების კრიტერიუმების მიხედვით და გამარჯვებული პროექტის გამოვლენა;
  - ე) ხელშეკრულების გაფორმება
- გამარჯვებულთან ფორმდება მომსახურების ხელშეკრულება.

### **შენიშვნა:**

კონკურსთან დაკავშირებული სხვა საკითხები, მათ შორის დაფინანსებასთან დაკავშირებული საკითხები მოწესრიგებულია მაუწყებლის დირექტორის 2018 წლის 20 აპრილის N02-03/14 ბრძანებით დამტკიცებული სსიპ „საზოგადოებრივი მაუწყებლის აჭარის ტელევიზიისა და რადიოს“ მიერ ტელერადიოპროდუქციისა ან/და მასთან დაკავშირებული მომსახურების შესყიდვის წესით/დებულებით (გამოქვეყნებულია <http://ajaratv.ge>);

2020 წლის 16 ივლისს  
 № 02 09/95 ხსენებულ  
 დანახონი № 2



ორგანიზაციის დასახელება

ხ ა რ ჯ თ ა დ რ ი ც ხ ვ ა

პროექტის დასახელება

N	ხარჯების კატეგორია	1 ეტაპი	2 ეტაპი	სულ
1	წარმოების პროცესში დასაქმებულთა ანაზღაურება	0,00	0,00	0,00
1.1.				0,00
1.2.				0,00
1.3.				0,00
2	ადმინისტრაციული ხარჯი	0,00	0,00	0,00
2.1.	დამქირავებლის მიერ გადასახდელი დაგროვებითი პენსიის 2%			0,00
2.2.				0,00
3.	მთლიანი დანახარჯები	0,00	0,00	0,00
4.	დღგ	0,00	0,00	0,00
5.	სულ ჯამი	0,00	0,00	0,00

შენიშვნა:

- მე-4 პუნქტი ივსება დღგ-ს გადასახადის გადამხდელის შემთხვევაში
- ხარჯების კატეგორიაში და დაფინანსების ეტაპების საჭიროების შემთხვევაში დაამატეთ შესაბამისი გრაფა

ხელმძღვანელი

(სახელი, გვარი, ხელმოწერა)

შეესების თარიღი